

8- Sâhib-i tercemenin hulefâsı var ise isim ve şöhretleri ve mahal ve târih-i vilâdetleri ve inâbe eden dervîşânın adedi?

9- İşbu varakada muharrer suâllerin cevâbları alâ-vechi's-sıhha cevâb hânelerine tahrîr ve zîr-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlik'ten ba'de't-tasdîk Meclis'e tevdi' olunacaktır. Bir me'mûriyette bulunup da evvelce terceme-i hâl varaka-i resmiyyesi i'tâ etmiş olan zevât dahi Meclis-i Meşâyih Nizâmnâmesi ahkâmına tebe'an işbu varakayı imlâ edeceklerdir.

Cevaplar:

1- Ahmed Şerafeddin. Ehl-i sünnet ve Hanefî mezheplerindeyim. Tarîkat-i Şa'bâniyye'den müstahlefim. Şeyhim Hazret-i Nasûhî Dergâhı şeyhi merhûm Muhyiddin Efendi'dir.

2- Pederim Şeyh İsmâil Efendi'dir. Mahall-i vilâdetim Dersâdet, târih-i vilâdetim 1272'[1855/1856]dir.

3- Mülkiye Rüşdiyesi'nden şehâdetnâme aldıktan sonra câmi dersine devâm ve bilâhare terk eyledim ve menşe-i küttâba devâm eyledim. Türkçe kitâbete muktedirim.

4- Evvelce evkâf-ı züvvâr me'mûrluğunda istihdâm edildim.

5- Üsküdar'da Çinili'de Ümmî Ahmed Efendi nâm-ı diğeri Ahmed b. Bayram Dergâhı olup târih-i tevcîhi 1292'[1875/1876]dir.

6- Bânîsi Ümmî Ahmed Efendi olup târih-i binâsı meçhûldür.

7- Dergâhın mensûb olduğu tarîkat Halvetî'dir. El-yevm icrâ edilen âyîn de Şa'bânî âyînidir ve çarşamba günleri icra edilir. Harb-i zâil esnâsında asker ikâmetinden nâşî muhtâc-ı ta'mîr olduğundan icra-yı âyîn edilememektedir. Dergâhta meşîhatten başka cihet ve vakfiyye ve te'âmül yoktur.

8- Yoktur.

9- Ümmî Ahmed Efendi Dergâh-ı şerîfi postnişini Ahmed Şerafeddin. İşbu terceme-i hal varakası Ümmî Ahmed Efendi hazretleri dergâh-ı şerîfi postnişini efendi tarafından i'tâ olunmakla şerh verildi.

Sıra: 6

IST_MFT_MSH_SAID_0254_0022_1_1337H_Safer_18 [23 Kasım 1918]_N

Saçlı Hüseyin Efendi Dergâhı postnişini Şeyh Ahmed Nûrullah Efendi.

Suâller:

1- Terceme-i hâl sâhibinin isim ve mahlası ve şöhret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöhreti?

2- Târih ve mahall-i vilâdeti ve pederinin isim ve şöhreti?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdîknâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

- 4- Hâl-i hâzırda veyâhud evvelce hizmet-i devlette bulunup bulunmadığı?
- 5- Postnişîni bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcîhi?
- 6- Bânîsinin ve ikinci bânîsi var ise isimleri ve târih-i binâsı?
- 7- Dergâhın esâsen mensûb olduğu tarikat-i aliyye ile el-yevm erkânı icrâ edilmekte olan tarikat-ı aliyyenin ismi, eyyâm ve leyâli-i mahsûsası, el-yevm icrâ-yı erkân edilmemekte ise sebebi?
- Dergâhta meşihatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?
- 8- Sâhib-i tercemenin hulefâsı var ise isim ve şöretleri ve mahal ve târih-i vilâdetleri ve inâbe eden dervîşânın adedi?
- 9- İşbu varakada muharrer suâllerin cevâbları alâ-vechî's-sihha cevâb hânelerine tahrîr ve zîr-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlik'ten ba'de't-tasdik Meclis'e tevdî' olunacaktır. Bir me'mûriyette bulunup da evvelce terceme-i hâl varaka-i resmîyyesi i'tâ etmiş olan zevât dahi Meclis-i Meşâyih Nizâm-nâmesi ahkâmına tebe'an işbu varakayı imlâ edeceklerdir.

Cevaplar:

- 1- Şeyh Ahmed Nûrullah Efendi, mezhebim ma'lûm tarikat-i Sünbülüyye'den müstahlef olduğum gibi [1]312 [1894/1895] senesi Muharremi'nde büyük birâderim Hüseyin Yûnus Efendi'nin vukû'-ı vefâtıyla uhdeme Merkez Efendi Dergâh-ı şerîfi postnişîni el-yevm merhûm Şeyh Ahmed Mes'ûd Efendi hazretlerinin vekâletiyle bi't-tevcîh târih-i mezkûrdan itibâren on iki sene müddetle hânkâh-ı mezkûrda bi'n-nefs edâ-yı hizmet ettim ve şeyhim de merhûm Şeyh Mes'ûd Efendi hazretleri idi.
- 2- Üsküdar'da Tabutçular içinde Kutbü'l-ârifin Saçlı Hüseyin Efendi Dergâh-ı şerîfinde Hicrî 1300 [1882/1883] ve Rûmî 1298 [1882/1883] senesinde tevellüd ettim. Pederim dergâh-ı mezkûr postnişîni şeyh-i merhûm Mehmed Nazif Efendi'dir.
- 3- Bidâyeten Üsküdar'da Tabutçular içinde Ravza-i Terakkî Mektebi'nden bâ-şehâdetnâme Hicrî [1]314 [1896/1897] senesinde neş'et ederek bilâhare bir müddet Hoca Osman Efendi'den Arabî tadrîs etmekte iken Merkez Efendi Dergâhı'nda ve şeyhim nezdinde hizmet etmek üzere oraya giderek bir müddet de Şeyh Es'ad Efendi'den Halebî'ye kadar tadrîs ettim icâzetnâmem yoktur. Mekteb şehâdetnâmem ile şeyhimden aldığım icâzetnâme muhterik olmuştur yalnız Türkçe okur-yazarım. Te'lifim yoktur.
- 4- El-yevm Şehremâneti Yeniköy Dâire-i Belediyesi'nde beş yüz guruşla Muhâsebe Kalemî'nde müstahdem bulunuyorum.
- 5- Üsküdar'da Tabutçular içinde Kutbü'l-ârifin Saçlı Hüseyin Efendi Dergâhı ve nâm-ı diğeri Mehmed Selim Ağa Câmî'i'dir. Saçlı Hüseyin Efendi Dergâhı nâmıyla yâd olunur. Uhdeme vekâleten [1]312 [1894/1895] senesi muharreminde bilâhare asâleten tevcîh edilmiştir.
- 6- Saçlı Hüseyin Efendi hazretleridir. İkinci bânîsi ise çukadâr-ı hazret-i şehriyarî merhûm Mehmed Selim Ağa'dır. Dergâh-ı mezkûr pek eski olmasından târihi mukayyed değildir.

7- Dergâh-ı mezkûr esâsen tarîkat-i aliyye-i Halvetiyye'nin Buhûrî kolundan olup el-yevm tarîk-i Sünbûliyye âyîni icrâ edilmekte ve el-yevm pazartesi günü akşamı icrâ-yı âyîn olunur. Dergâh-ı mezkûr fukarâsına âid olmak üzere türbedarlık, zâkirbaşılık, meydancılık, müezzinlik gibi vezâ'ifi merhûm Mehmed Selim Ağa tarafından bâ-vakfiyye tahsîs edilmiş ise de kırk seneye karîb bir zamandan beri ne tahsîsât verilmiş ve ne de aranılmıştır. Vezâ'if-i mezkûr tensîb edilen zâtlara ücreti tarafımdan tesviye edilmek üzere icrâ ettiriliyor. Dergâh-ı mezkûrun müseccel vakfiyesi olmayıp ancak Mehmed Selim Ağa'nın dergâha meşrûta vakfiyesi mevcuttur.

8- Hulefâm yoktur.

9- Bâlâda muharrer terceme-i hâlimin bundan ibâret olduğunu mübeyyin işbu mahalli temhîr eyledim. Fi 23 Teşrîn-i sâni sene [1]334 [23 Kasım 1918] ve [Fî 18 Sefer sene 1337] [23 Kasım 1918] Şeyh Nûrullah b. Mehmed Nazif. İşbu terceme-i hâl varakası Saçlı Hüseyin Efendi Dergâh-ı şerîfi postnişini efendi tarafından îtâ olunduğunu mübeyyin şerh verildi.

Sıra: 7

IST_MFT_MSH_SAID_0254_0023_1_1337H_Safer_18[23 Kasım 1918]_N

Ahmed Keşfi Efendi Dergâhı postnişini Şeyh Mehmed Hicâbî Efendi.

Suâller:

1- Terceme-i hâl sâhibinin isim ve mahlası ve şöret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöret?

2- Târih ve mahall-i vilâdeti ve pederinin isim ve şöret?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdiqnâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcihi?

6- Bânîsinin ve ikinci bânîsi var ise isimleri ve târih-i binâsı?

7- Dergâhın esâsen mensûb olduğu tarîkat-i aliyye ile el-yevm erkânı icrâ edilmekte olan tarîkat-ı aliyyenin ismi, eyyâm ve leyâli-i mahsûsası, el-yevm icrâ-yı erkân edilmemekte ise sebebi?

Dergâhta meşihatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?

8- Sâhib-i tercemenin hulefâsı var ise isim ve şöretleri ve mahal ve târih-i vilâdetleri ve inâbe eden dervîşânın adedi?

9- İşbu varakada muharrer suâllerin cevâbları alâ-vechi's-sıhha cevâb hânelerine tahrîr ve zîr-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlikten ba'de't-tasdiq Meclis'e tevdi' olunacaktır. Bir me'mûriyette